

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ**

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

« 02 » 02 2024 թ.

No 001300

**«ՄՈՒՆՏԻ-ԼԵՈՆ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՏՆՕՐԵՆ
ՊԱՐՈՆ ԱՐՏՅՈՄ ՄԵԼՈՅԱՆԻՆ**
(Հասցե՝ մ. Կոկոայք, գ. Առինջ)

Հարգելի՛ պարոն Մելոյան,

Կից ուղարկվում է Մրցակցության պաշտպանության հանձնաժողովի 2024 թվականի փետրվարի 6-ի ««Մուլտի-Լեոն» սահմանափակ պատասխանատվությամբ ընկերության վերաբերյալ թիվ ՀԳ-02106/23 վարույթը կասեցնելու մասին» թիվ 48-Ա որոշման պատճենը:

Առդիր՝ 3 թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Մրցակցության վերահսկողության վարչություն
Կարարող՝ Կարլոս Մարգարյան
Հեռ. (+374 60) 830-840 (208)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ
Ո Ր Ո Շ ՈՒ Մ

06 փետրվար 2024 թվականի թիվ 48-Ա

**«ՄՈՒԼՏԻ-ԼԵՈՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՎԵՐԱԲԵՐՅԱԼ ԹԻՎ ՀԳ-02106/23 ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2024 թվականի փետրվարի 6-ի նիստում, քննարկելով «Մուլտի-Լեոն» սահմանափակ պատասխանատվությամբ ընկերությունների վերաբերյալ թիվ ՀԳ-02106/23 վարույթը կասեցնելու մասին հարցը,

Պ Ա Ր Զ Ե Ց

Հանձնաժողովը 2023 թվականի մայիսի 16-ի ««Մուլտի-Լեոն», սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 225-Ա որոշմամբ հարուցել է թիվ ՀԳ-02106/23 վարույթը (այսուհետ՝ **Թիվ ՀԳ-02106/23 վարույթ**) սեղմված բնական գազի շուկայում գերիշխող դիրքի չարաշահման հատկանիշների առերևույթ առկայության հիմքով:

Հանձնաժողովի 2023 թվականի նոյեմբերի 16-ի թիվ 486-Ա որոշմամբ թիվ ՀԳ-02106/23 վարույթի ժամկետը երկարաձգվել է եռամսյա ժամկետով:

Վարույթի ընթացքում Ընկերությունից, ինչպես նաև Պետական եկամուտների կոմիտեից պահանջվել է տեղեկատվություն Ընկերության կողմից բնական գազի ձեռքբերման ծավալների, սեղմված բնական գազի ինքնարժեքի բացվածքի, ինչպես նաև 2021 թվականի հունվար 1-ից մինչև 2022 թվականի դեկտեմբերի 31-ն ընկած ժամանակահատվածում Ընկերության կողմից տպված ՀԴՄ-ների և Երևանին հարակից Արագածոտնի, Արմավիրի, Կոտայքի ու Արարատի մարզերում գործունեություն ծավալող բոլոր ավտոգազալիցքավորման ճնշակայանների բնական գազի ձեռքբերման ծավալների վերաբերյալ:

Ընկերության, ինչպես նաև Պետական եկամուտների կոմիտեի կողմից Հանձնաժողով ներկայացված տեղեկատվության վերլուծության արդյունքում անհրաժեշտություն է առաջացել ուսումնասիրելու 2021 և 2023 թվականներին՝ հունվարի 1-ից դեկտեմբերի 31-ն ընկած ժամանակահատվածում, Ընկերության գործունեության վերաբերյալ լրացուցիչ տվյալներ ևս:

Մասնավորապես՝ Հանձնաժողովի նախագահի 2024 թվականի հունվարի 26-ի թիվ 000794 գրությամբ (այսուհետ՝ **Թիվ 000794 գրություն**) Ընկերությունից պահանջվել է ներկայացնել հետևյալ տեղեկատվությունը.

1) Ընկերության կողմից շահագործվող գազալցակայան(ներ)ի միջոցով 2021 թվականի հունվարի 1-ից մինչև 2021 թվականի դեկտեմբերի 31-ը և 2023 թվականի հունվարի 1-ից մինչև 2023 թվականի դեկտեմբերի 31-ը (այսուհետ նաև՝ **Հաշվետու տարիներ**) ներառող ժամանակահատվածում շրջանառված սեղմված բնական գազի ծավալների վերաբերյալ՝ ամսական կտրվածքով՝ թղթային և էլեկտրոնային (MS excel) ձևաչափով՝ համաձայն ձևանմուշ N1-ի:

2) Հաշվետու տարիներին սեղմված բնական գազի ձեռքբերման, ինչպես նաև Ընկերության կողմից շահագործվող գազալցակայան(ներ)ում իրացման գների փոփոխությունների վերաբերյալ՝ նշելով ձեռքբերման գնի յուրաքանչյուր փոփոխության դեպքում իրացման գնի պահպանման կամ ոչ համաչափ փոփոխության, ինչպես նաև ձեռքբերման գնի պահպանման դեպքում իրացման գնի յուրաքանչյուր փոփոխության պատճառները՝ թղթային և էլեկտրոնային (MS excel) ձևաչափով՝ համաձայն ձևանմուշներ N2-ի և N3-ի՝ կցելով հիմնավորող փաստաթղթերի պատճենները:

3) Հաշվետու տարիներին իրացված սեղմված բնական գազի ինքնարժեքի վերաբերյալ՝ ամսական կտրվածքով՝ թղթային և էլեկտրոնային (MS excel) ձևաչափով՝ համաձայն ձևանմուշ 4-ի:

4) Ընկերության կողմից շահագործվող յուրաքանչյուր գազալցակայանի ճնշակայանների թվաքանակը 2021 թվականի հունվարից մինչև 2023 թվականի դեկտեմբեր՝ ամսական կտրվածքով՝ համաձայն ձևանմուշ 5-ի:

5) 2021 թվականի հունվարից մինչև 2023 թվականի դեկտեմբերն ընկած ժամանակահատվածում ընկերության կողմից շահագործվող յուրաքանչյուր գազալցակայանի առավելագույն թողունակությունը՝ ըստ իրացվող սեղմված բնական գազի ծավալների և հաճախորդների թվաքանակի՝ ամսական կտրվածքով համաձայն ձևանմուշ 5-ի:

Միաժամանակ, Հանձնաժողովի նախագահի 2024 թվականի հունվար 26-ի թիվ 000813 գրությամբ (այսուհետ՝ **Թիվ 000813 գրություն**) Ներքին գործերի նախարարությունից պահանջվել է ներկայացնել տեղեկատվություն 2019-2023թթ ընթացքում Երևան քաղաքում, Արմավիրի, Կոտայքի, Արագածոտնի և Արարատի մարզերում բացված ավտոգազալիցքավորման ճնշակայանների (այսուհետ՝ **ԱԳԼՃԿ**), ինչպես նաև նույն ժամանակահատվածում տվյալ տարածաշրջաններում գործունեությունը դադարեցրած ԱԳԼՃԿ-ների վերաբերյալ՝ միաժամանակ ներկայացնելով բացված և գործունեությունը դադարեցրած ԱԳԼՃԿ-ների անվանումները և հասցեները, ինչպես նաև ԱԳԼՃԿ-ների՝ տարեսկզբի և տարեվերջի դրությամբ առկա քանակները:

«Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) 65-րդ հոդվածի 2-րդ մասի 1-ին կետի համաձայն՝ Հանձնաժողովի կողմից իրականացվող վարույթը կարող է կասեցվել, եթե չեն ներկայացվել պահանջված փաստաթղթերը, նյութերը կամ այլ տեղեկատվություն կամ ներկայացվել են ոչ հավաստի կամ ոչ ամբողջական տեղեկություններ:

Օրենքի 65-րդ հոդվածի 1-ին մասի 3-րդ կետի համաձայն՝ Հանձնաժողովի կողմից իրականացվող վարույթը կասեցվում է, եթե՝ գործում է անհաղթահարելի ուժ կամ այլ հանգամանք, որը ժամանակավորապես խոչընդոտում է վարույթի ընթացքը:

Հաշվի առնելով, որ Թիվ 000794 և 000813 գրություններով պահանջված տեղեկատվությունը դեռևս ներկայացված չէ, միաժամանակ այն ստանալու, վերլուծելու, Թիվ ՀԳ-02106/23 վարույթում առկա փաստական հանգամանքների հետ համադրելու անհրաժեշտությամբ պայմանավորված առկա է նաև Վարույթի ընթացքը ժամանակավորապես խոչընդոտող հանգամանք, հետևաբար Թիվ ՀԳ-02106/23 վարույթը ենթակա է կասեցման:


Հիմք ընդունելով վերոգրյալը և ղեկավարվելով Օրենքի 38-րդ հոդվածի 1-ին, 2-րդ մասերով, 65-րդ հոդվածի 1-ին մասի 3-րդ կետով և 2-րդ մասի 1-ին կետով, 5-րդ մասով, 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. Կասեցնել «Մուլտի-Լեոն» սահմանափակ պատասխանատվությամբ ընկերության վերաբերյալ թիվ ՀԳ-02106/23 վարույթը:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ
2024 թ. փետրվարի 6
Երևան



Գ. ԳԵՎՈՐԳՅԱՆ